



Concello de Cuntis

PROGRAMA DE AXUDAS EN RÉXIME DE CONCORRENCIA COMPETITIVA DESTINADAS AO MANTEMENTO DO TECIDO EMPRESARIAL E COMERCIAL DE PROXIMIDADE PARA MITIGAR OS EFECTOS ECONÓMICOS NEGATIVOS QUE SE PODEN PRODUCIR NA ECONOMÍA MUNICIPAL POLA PANDEMIA DO COVID-19.

BASES

EXPOSICIÓN DE MOTIVOS:

O Goberno Central mediante o Real decreto 463/2020, de 14 de marzo, declarou o estado de alarma para xestión da situación de crise sanitaria ocasionada polo COVID-19, feito que implicou unha limitación na liberdade de movemento das persoas en todo o territorio nacional.

Esta situación viuse prorrogada e perdurou ata o 21 de xuño do 2020.

Mediante Resolución do 13 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, declárase a situación de emerxencia sanitaria no territorio da Comunidade Autónoma de Galicia e se activa o Plan territorial de emerxencias de Galicia (Platerga) no seu nivel de emerxencia de interese galego, como consecuencia da evolución da epidemia do coronavirus COVID-19.

Posteriormente, procedeuse ao comezo dunha fase denominada “desescalada” e na que os distintos sectores da economía viñan comezando paulatinamente a recuperar a súa actividade.

É obvio que a recuperación da economía non vai ser de inmediato, senón un procedemento gradual e paulatino. Así, na actualidade, vivimos unha nova situación de Estado de Alarma que se vai a prolongar durante a primeira parte do ano 2021 e que, de feito, vai supoñer unha situación de incerteza no tecido comercial e produtivo do Concello de Cuntis.

O Concello de Cuntis ten un tecido comercial e empresarial baseado en pequenas unidades de negocio, que empregan en moitos casos a familias e autónomos e que, no seu conxunto, prestan servizo ás persoas que o habitan.

Para elo, o Concello de Cuntis, dentro da súa condición de administración máis próxima á cidadanía, acorda impulsar un paquete de axudas directas destinadas a paliar as consecuencias derivadas da crise económica provocada polo COVID-19, e impulsar a actividade económica; co obxectivo de mitigar os efectos económicos negativos que se poden producir na economía municipal.

1.- OBXECTO.

1.1.- As presentes Bases teñen por obxecto establecer a regulación das axudas destinadas a paliar o impacto derivado da crise sanitaria, ocasionada polo COVID-19, sobre as micro-empresas e persoas autónomas do Concello de Cuntis, trala entrada en vigor do Real Decreto 463/2020, do 14 de marzo, polo que se declara o Estado de Alarma para a xestión da situación de crise sanitaria ocasionada polo COVID-19.

1.2.- As subvencións expostas fundaméntanse na situación excepcional e de crise sanitaria provocada polo Covid-19.

Dada a súa contía e o formato das mesmas, non xerarán distorsións no mercado nin no réxime da libre competencia.

2.- FINALIDADE.



Concello de Cuntis

Con estas axudas preténdese paliar e actuar, ante as consecuencias derivadas da crise económica provocada polo COVID-19, e impulsar a actividade económica e comercial en Cuntis, outorgando liquidez ás micro-empresas e persoas autónomas do Concello de Cuntis, que viron afectada a súa actividade durante esta crise, para contribuír ó mantemento da actividade e o emprego ante a redución drástica de ingresos.

Serán excepción as actividades de hostalería e restauración.

O seu propósito é protexer o interese xeral da cidadanía de Cuntis, dando soporte ás persoas autónomas e micro-empresas, para minimizar o impacto da crise económica provocada polo COVID-19 e lograr que, unha vez finalizada a alarma sanitaria, se produza canto antes unha reactivación da economía do noso Concello, actuando directamente sobre as persoas físicas e xurídicas máis afectadas.

3.- NATUREZA E RÉXIME DAS AXUDAS.

3.1.- Estas axudas teñen a natureza de subvención de acordo co recollido no artigo 2 da Lei 38/2003, de 17 de novembro, xeral de subvencións, así como o disposto na Lei 9/2007, do 13 de xuño, de subvencións de Galicia.

3.2.- A presente convocatoria rexerase, con carácter xeral, polo disposto nas bases reguladoras, na Lei 38/2003, de 17 de novembro, xeral de subvencións e o seu Regulamento de desenvolvemento, aprobado polo Real Decreto 887/2006, de 21 de xullo, na Lei 9/2007, de 13 de xuño, de subvencións de Galicia (en adiante LSG) e nas Bases de execución do orzamento municipal para o exercicio 2021 e, suplementariamente, na Lei 39/2015, de 1 de outubro, do procedemento administrativo común das administracións públicas e calquera outra disposición normativa que pola súa natureza puidese resultar de aplicación.

3.3.- Estas subvencións concederanse por concorrencia competitiva, en aplicación do previsto no artigo 22. apartado 2.c da Lei 38/2003, de 17 de novembro, Xeral de Subvencións, por concorrer razóns de interese público, económico, social e humanitario, en virtude das circunstancias provocadas pola crise sanitaria da COVID-19 pola incidencia directa no sector económico municipal.

A xestión destas subvencións suxeitarase aos principios de publicidade, concorrencia, transparencia, obxectividade, igualdade e non discriminación, así como a eficacia no cumprimento de obxectivos e eficiencia na asignación e utilización dos recursos públicos.

4.- CRÉDITO ORZAMENTARIO.

A contía destinada a atender estas subvencións ascende a un importe total de 30.000,00 € do vixente orzamento municipal con cargo á aplicación orzamentaria 437-479.00 .

5.- CONTÍA DAS AXUDAS.

5.1.- As axudas satisfaceranse nunha cantidade económica única.

*Concederase unha cantidade fixa de **300,00 €** para as persoas físicas ou xurídicas, con ou sen persoas traballadoras ao seu cargo, que se viron afectadas polas medidas de prevención adoptadas pola entrada en vigor do Real Decreto 463/2020, de 14 de marzo, debido ás cales sufriron unha redución da súa facturación de polo menos o 50% nos catro meses posteriores, en relación coa media efectuada no semestre natural anterior á declaración do estado de alarma.*

Cando a persoa física ou xurídica non leve de alta os 6 meses naturais esixidos para acreditar a redución dos ingresos, a valoración levarase a cabo tendo en conta o período de actividade.



Concello de Cuntis

Esta redución de facturación deberase xustificar coa presentación da documentación requirida no punto 9.

Todo isto ata esgotar o crédito destinado nesta convocatoria.

6.- PERSOAS BENEFICIARIAS E REQUISITOS QUE DEBEN CUMPRIR.

6.1.- Poderán solicitar esta subvención aquelas persoas físicas ou xurídicas, así como as comunidades de bens, sociedades civís ou outras entidades económicas, legalmente constituídas, que leven a cabo as actividades empresariais que motivan a concesión da subvención e que cumpran os seguintes requisitos:

a) Que a actividade económica sexa desenvolvida por unha persoa autónoma ou unha micro-empresa.

As micro-empresas son aquelas definidas conforme Anexo I do Regulamento (UE) nº 651/2014 da Comisión, de 17 de xuño de 2014.

*b) Que a actividade que desenvolve a empresa sufriu unha redución da súa facturación de polo menos o 50% nos **4 meses posteriores** á entrada en vigor do Real Decreto 463/2020, do 14 de marzo, en relación coa media efectuada no semestre natural anterior á declaración deste estado de alarma.*

Cando a persoa física ou xurídica non leve de alta os 6 meses naturais esixidos para acreditar a redución dos ingresos, a valoración levarase a cabo tendo en conta o período de actividade.

Este requisito xustificarase a través dunha declaración responsable, que virá incluída na instancia presentada, e xunto coa documentación requirida no punto 9 desta convocatoria.

c) Que a actividade afectada polo estado de alarma non se viu compensada por un incremento da facturación mediante un incremento do volume de negocio en liña ou telefónico da persoa solicitante.

d) Estar dado de alta no réxime da Seguridade Social ou na Mutua profesional correspondente e en Facenda no momento da presentación da instancia.

e) Que o domicilio fiscal e, no seu caso, o local de desenvolvemento da actividade se atope no termo municipal de Cuntis.

f) Non atoparse incursas en ningunha das circunstancias recollidas no artigo 10.2 e 10.3 da Lei 9/2007, de 13 de xuño, de Subvencións de Galicia, e en particular, estar ao corrente no cumprimento das súas obrigacións tributarias coa Facenda estatal (AEAT), coa Tesouraría Xeral da Seguridade Social (TGSS) e coa Xunta de Galicia. Este requisito debe cumprirse desde a data de presentación da solicitude ata a data do pago da subvención, no seu caso.

g) Non ter débeda algunha pendente co Concello de Cuntis. Este requisito debe cumprirse desde a data de presentación da solicitude ata a data do pagamento da subvención, no seu caso.

h) Ter xustificado calquera subvención que lle foi concedida con anterioridade polo Concello de Cuntis, sempre que finalizara o correspondente prazo de xustificación.

i) En caso de comunidades de bens, sociedades civís ou outras entidades económicas; debe nomearse unha persoa representante apoderada, con poderes bastantes para cumprir as obrigacións que corresponden á agrupación ou comunidade de bens.

Segundo os termos previstos no artigo 8.3 LSG, a agrupación ou comunidade de bens non poderá disolverse ata que transcorra o prazo de prescrición a que fan referencia os artigos 32 e 67 da



Concello de Cuntis

LSG. Así mesmo, en caso de concesión da subvención, a resolución conterá as porcentaxes de participación das persoas integrantes na entidade beneficiaria, en función dos cales participarán nos dereitos e obrigacións derivados do outorgamento da subvención.

6.2.- Quedan excluídas as administracións públicas, os seus organismos autónomos, as empresas públicas e outros entes públicos, así como as asociacións, fundacións e, en xeral, entidades sen ánimo de lucro e o persoal autónomo colaborador.

7.- CONCORRENCIA CON OUTRAS SUBVENCÍONS.

As axudas previstas serán compatibles con calquera outra das reguladas para a mesma finalidade.

En ningún caso o importe da subvención unido ao doutras posibles subvencións, ingresos ou recursos para a mesma finalidade, procedentes de calquera administración ou ente público ou privado poderá superar a diminución de ingresos da actividade como consecuencia da crise provocada polo COVID-19.

8.- LUGAR E PRAZO DE PRESENTACIÓN DAS SOLICITUDES.

Dirixirase ao Alcalde do Concello de Cuntis, e presentarse exclusivamente a través da Sede electrónica municipal de acordo co establecido no artigo 14 da Lei 39/2015, de 1 de outubro, do Procedemento Administrativo Común das Administracións Públicas.

O prazo de presentación de solicitudes comezará a partir do día seguinte á publicación das bases no Boletín Oficial da Provincia de Pontevedra e disporase dun prazo máximo de 20 días hábiles, sen prexuízo da súa posible ampliación ou prórroga.

O modelo de solicitude normalizado para a obtención das subvencións reguladas na presente convocatoria estará dispoñible na web municipal.

A presentación da solicitude de subvención fóra do prazo establecido e a non utilización dos formularios normalizados de uso obrigatorio, serán causas de non admisión.

9.- DOCUMENTACIÓN A PRESENTAR.

9.1.- A solicitude normalizada deberá estar asinada pola persoa interesada ou representante legal e debe acompañarse obrigatoriamente da seguinte documentación:

- a) DNI polas dúas caras e, de ser o caso, acompañado polo CIF da persoa xurídica, sociedade civil, comunidade de bens ou outras entidades económicas.*
- b) Certificado actualizado de Situación Censual que indique a actividade económica coa súa data de alta, o domicilio fiscal e/ou, no seu caso, o do local de desenvolvemento da actividade.*
- c) Resolución/certificación de alta no Réxime Especial de Traballadores Autónomos ou a Mutua profesional correspondente.*
- d) Declaración xurada co contido recollido no apartado 2.*

9.2.- Declaración Responsable asinada pola persoa interesada ou representante legal da persoa ou entidade solicitante que conterá o pronunciamento expreso sobre as seguintes cuestións:

- Que a actividade afectada polo peche do establecemento disposta polo estado de alarma, non se viu compensada por un incremento da facturación mediante un incremento do volume de negocio en liña ou telefónico da persoa solicitante.*
- Que a persoa solicitante asume o compromiso de destinar a subvención á finalidade*



Concello de Cuntis

prevista.

- *Que a persoa solicitante non está incursa nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.*
- *Que a persoa solicitante comprométese ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.*
- *Que a persoa solicitante comprométese á comunicación de subvencións concedidas con anterioridade á presentación da subvención coa mesma finalidade e o compromiso de comunicar, o máis axiña posible, as axudas obtidas con posterioridade á presentación da solicitude e antes da resolución da mesma.*
- *Que en caso de tratarse dunha comunidade de bens, sociedade civil ou outra entidade económica non se disolverá ata que transcorra o prazo de prescrición previsto nos artigos 39 e 65 da Lei 38/2003, de 17 de novembro, Xeneral de Subvencións, de acordo co establecido no artigo 11 da devandita Lei.*
- *Que a actividade que desenvolve a empresa sufriu unha redución da súa facturación de polo menos do 50% nos 4 meses posteriores á entrada en vigor do Real Decreto 463/2020, do 14 de marzo, en relación coa media efectuada no semestre natural anterior á declaración deste estado de alarma.*
- *Que a actividade que desenvolve como persoa física ou xurídica está incluída na definición do Anexo I del Regulamento (UE) nº 651/2014 da Comisión, de 17 de xuño de 2014, de ser o caso.*

10.- PROCEDEMENTO E INSTRUCIÓN.

O Concello de Cuntis resolverá as solicitudes coa maior brevidade posible e dada a urxencia de outorgar as axudas.

10.1.- A concesión da subvención regulada nesta convocatoria, realizarase de acordo co establecido nos artigos 22.1 e 23 a 27 da LXS.

A instrución do procedemento dependerá directamente da Alcaldía, que realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución.

Poderá nomearse unha Comisión de Valoración formada por un Presidente, un Secretario, con voz pero sen voto, e un vogal. Esta Comisión de Valoración formulará as propostas que, previo informe de Secretaría e Intervención, se someterán á aprobación polo Alcalde.

10.2.- A concesión da subvención efectuarase en réxime de concorrència competitiva, establecéndose como criterio de valoración a data e hora de entrada que figuren rexistradas na solicitude, reunindo a totalidade de requisitos e documentación requirida na convocatoria.

En caso de non presentar a solicitude coa documentación completa, considerarase como data de Rexistro de Entrada a da última presentación de documentación relativa á devandita solicitude.

A concesión de axudas efectuarase ata esgotar o crédito dispoñible, segundo o disposto no punto 5 desta Convocatoria.



Concello de Cuntis

10.3.- O Concello de Cuntis comprobará, pola súa orde cronolóxica de presentación, as solicitudes recibidas.

Aquelas solicitudes que cumpran cos requisitos esixidos, ata esgotar o crédito dispoñible da convocatoria, serán propostas á Comisión de Valoración para ser resoltas favorablemente, no caso de existir. En caso contrario, emitirase informe proposta ao respecto pola Secretaría Municipal.

10.4.- A proposta será remitida á Intervención para a súa fiscalización, que se realizará de acordo co establecido nos apartados 18.1.A e 18.1.B da Resolución de 2 de xuño de 2008, da Intervención Xeral da Administración do Estado, pola que se publica o Acordo do Consello de Ministros de 30 de maio de 2008, e polo que se dá aplicación á previsión dos artigos 152 e 147 da Lei Xeral Orzamentaria, respecto ao exercicio da función interventora en réxime de requisitos básicos.

O control sobre o cumprimento de estar ao corrente das obrigas tributarias e coa seguridade social realizarase sobre a declaración responsable.

10.5.-As subvencións concedidas serán obxecto de publicación na páxina web municipal e no portal de transparencia do Concello de Cuntis.

11.- OBRIGAS.

Son obrigas das entidades beneficiarias:

a) Manter a actividade económica durante 6 meses, como mínimo, a partir do día seguinte da finalización do estado de alarma.

b) Someterse ás actuacións de comprobación e control financeiro previstas pola vixente normativa en materia de subvencións.

c) Proceder ao reintegro dos fondos percibidos nos supostos contemplados no artigo 37 da Lei Xeral de Subvencións, e en particular, por obter a subvención falseando as condicións requiridas para iso ou ocultando aquelas que o impediron, ou mostrar resistencia, escusa, obstrución ou negativa ás actuacións de comprobación e control financeiro prevista no artigo 14 da Lei Xeral de Subvencións.

d) Cumprir as restantes obrigas que detalla o artigo 14 da Lei Xeral de Subvencións e 11 da Lei 9/2007, de 13 de xuño, de Subvencións de Galicia.

e) No caso de que a persoa ou empresa beneficiaria se atope comprendida nos supostos do artigo 3.b) da Lei 19/2013, de 9 de decembro, de Transparencia, acceso á información pública e bo goberno, deberá adaptarse ás obrigas de publicidade activa que lle resulten aplicables.

12.- PAGAMENTO DAS SUBVENCIÓNS E GARANTÍAS.

O pago destas subvencións realizarase nun pago único pola totalidade do importe especificado no punto 5 das presentes bases, mediante transferencia bancaria, a partir da data da resolución de concesión, sen que sexa necesaria a constitución de garantías.

13.- REINTEGRO DAS SUBVENCIÓNS.

13.1.- O reintegro do importe percibido, cando cumpra, rexerase polo disposto no título II da LGS e polo título III do RLGS.

13.2.- As causas de invalidez da resolución de concesión, recollidas no artigo 36 da LGS, darán lugar á obriga de reintegrar, total ou parcialmente, as cantidades percibidas, así como á esixencia do interese de demora correspondente desde a data do pago da subvención ata que se



Concello de Cuntis

acorde a procedencia do reintegro, segundo os supostos previstos con carácter xeral no artigo 37 da Lei Xeral de Subvencións.

Se a persoa beneficiaria incumpre a obriga de manter a actividade económica durante os 6 meses establecidos no punto 11 da presente convocatoria ou non acredita a redución de ingresos recollida nas bases, procederá ó reintegro do importe da subvención cobrado por este concepto.

13.3.- Sen prexuízo de iniciar o procedemento de reintegro, en caso de incumprimento das obrigas establecidas con motivo da concesión da subvención, a persoa ou empresa beneficiaria poderán comunicar ao órgano xestor, por rexistro de entrada, este feito e efectuar a devolución voluntaria da cantidade percibida.

14.- PROTECCIÓN DE DATOS.

En relación á materia de protección de datos, atenderase ao disposto pola Lei Orgánica 3/2018, do 5 de decembro, de Protección de Datos Persoais e garantía dos dereitos dixitais.

Cuntis, na data da sinatura electrónica

O Alcalde

Ado. Manuel Campos Velay



Concello de Cuntis

AXUDAS EN RÉXIME DE CONCORRENCIA COMPETITIVA DESTINADAS AO MANTEMENTO DO TECIDO EMPRESARIAL E COMERCIAL DE PROXIMIDADE PARA MITIGAR OS EFECTOS ECONÓMICOS NEGATIVOS QUE SE PODEN PRODUCIR NA ECONOMÍA MUNICIPAL POLA PANDEMIA DO COVID-19.

ANEXO - MODELO DE SOLICITUDE

Don/a. con DNI e con domicilio en
en nome propio ou como representante da razón social denominada con CIF n.º e
responsable do local comercial/empresa denominada e
endereço para notificación electrónica

.-TIPO DE BENEFICIARIO/A

1.- Poderán solicitar esta subvención aquelas persoas físicas ou xurídicas, como as comunidades de bens, sociedades civís ou outras entidades económicas, legalmente constituídas, que leven a cabo as actividades empresariais que motivan a concesión da subvención e que cumpran os seguintes requisitos:

Requisitos comúns a todas as persoas beneficiarias:

- Que a actividade económica sexa desenvolvida por unha persoa autónoma ou unha micro-empresa.

As micro-empresas son aquelas definidas conforme Anexo I del Regulamento (UE) nº 651/2014 da Comisión, de 17 de xuño de 2014.

(Este requisito xustificarase a través dunha declaración responsable que virá incluída na instancia presentada e xunto coa documentación requirida na convocatoria).

- Que a actividade afectada polo redución da súa facturación de polo menos o 50% nos catro meses posteriores á entrada en vigor do Real Decreto 463/2020, de 14 de marzo, en relación coa media efectuada no semestre natural anterior, non se viu compensada por un incremento da facturación mediante un aumento do volume de negocio online ou telefónico da persoa/entidade solicitante.

- Estar dado de alta no réxime da Seguridade Social ou na Mutua profesional correspondente e en Facenda no momento da presentación da instancia.

- Que o domicilio fiscal e, no seu caso, o local de desenvolvemento da actividade se atope no termo municipal de Cuntis.

- Non atoparse incursas en ningunha das circunstancias recollidas no artigo 13.2 e 13.3 da Lei 38/2003, de 17 de novembro, xeral de subvencións, e en particular, estar ao corrente no cumprimento das súas obrigas tributarias coa Facenda estatal (AEAT), coa Tesouraría Xeral da Seguridade Social (TGSS) e coa Xunta de Galicia.

Este requisito debe cumprirse desde a data de presentación da solicitude ata a data do pago da subvención, no seu caso.

- Non ter débeda algunha pendente co Concello de Cuntis.

Este requisito debe cumprirse desde a data de presentación da solicitude ata a data do pago da subvención, no seu caso.

- Xustificar calquera subvención que lle foi concedida con anterioridade polo Concello de Cuntis, sempre que finalice o correspondente prazo de xustificación.



Concello de Cuntis

- En caso de comunidades de bens, sociedades civís ou outras entidades económicas debe nomearse unha persoa representante apoderada, con poderes bastantes para cumprir as obrigacións que corresponden á agrupación ou comunidade de bens.

Así mesmo, e nos termos previstos no artigo 11.3 LGS, a agrupación ou comunidade de bens non poderá disolverse ata que transcorra o prazo de prescrición a que fan referencia os artigos 39 e 65 LGS. Así mesmo, en caso de concesión da subvención, a resolución conterá as porcentaxes de participación das persoas integrantes na entidade beneficiaria, en función dos cales participarán nos dereitos e obrigas derivados do outorgamento da subvención.

2.- Quedan excluídas as administracións públicas, os seus organismos autónomos, as empresas públicas e outros entes públicos, así como as asociacións, fundacións e, en xeral, entidades sen ánimo de lucro e o persoal autónomo colaborador.

3.- En ningún caso o importe da subvención unido ao doutras posibles subvencións, ingresos ou recursos para a mesma finalidade, procedentes de calquera administración ou ente público ou privado poderá superar a diminución de ingresos da actividade como consecuencia da crise provocada polo coronavirus.

NÚMERO DE CONTA NO QUE EFECTUAR O PAGO.

Deberase de consignar un número de conta a nome da persoa solicitante ou da razón social a que representa.

- IBAN:



Concello de Cuntis

DECLARACIÓN RESPONSABLE.

O/a abaixo asinante declara baixo a súa responsabilidade:

- Que a actividade afectada polo peche do establecemento disposta polo estado de alarma, non se viu compensada por un incremento da facturación mediante un incremento do volume de negocio en liña ou telefónico da persoa solicitante.*
- Que a persoa solicitante asume o compromiso de destinar a subvención á finalidade prevista.*
- Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.*
- Que a persoa solicitante comprométese ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.*
- Que a persoa solicitante comprométese á comunicación de subvencións concedidas con anterioridade á presentación da subvención coa mesma finalidade e o compromiso de comunicar, o máis axiña posible, as axudas obtidas con posterioridade á presentación da solicitude e antes da resolución da mesma.*
- Que en caso de tratarse dunha comunidade de bens, sociedade civil ou outra entidade económica non se disolverá ata que transcorra o prazo de prescrición previsto nos artigos 39 e 65 da Lei 38/2003, de 17 de novembro, Xeneral de Subvencións, de acordo co establecido no artigo 11 da devandita Lei.*
- Que a actividade que desenvolve a empresa sufriu unha redución da súa facturación de polo menos do 50% nos 4 meses posteriores á entrada en vigor do Real Decreto 463/2020, do 14 de marzo, en relación coa media efectuada no semestre natural anterior á declaración deste estado de alarma.*
- Que a actividade que desenvolve como persoa física ou xurídica está incluída na definición do Anexo I del Regulamento (UE) nº 651/2014 da Comisión, de 17 de xuño de 2014, de ser o caso.*



Concello de Cuntis

DOCUMENTACIÓN A PRESENTAR XUNTO COA SOLICITUDE.

Deberase de xuntar a seguinte documentación:

1.- A solicitude normalizada deberá estar asinada pola persoa interesada ou representante legal e debe acompañarse obrigatoriamente da seguinte documentación:

- *DNI polas dúas caras e, de ser o caso, acompañado polo CIF da persoa xurídica, sociedade civil, comunidade de bens ou outras entidades económicas.*
- *Certificado actualizado de Situación Censual que indique a actividade económica coa súa data de alta, o domicilio fiscal e/ou, no seu caso, o do local de desenvolvemento da actividade.*
- *Resolución/certificación do alta no Réxime Especial de Traballadores Autónomos ou a Mutua profesional correspondente.*

2.- Declaración xurada.